

COMUNICATO n. 78 del 16/01/2025

Disar prodjèkt iz vor di studjènt boda in ditza schualdjar machan vodar zboate afta viarte klasse vodar obarschual in provintziàl institütt odar glaichege

Summar kürs full immersion atz inglés un atz taütsch, ma mage åhevan innzoschraibase

[Cimbroy] 'Z izta zait sin di viare in tages von 11 von hornung 2025 innzogebe in vorsch zo nemma toal in progråmm zo giana in auzlånt augelekk vodar provintziàl Vüarom boda vürlekk zo nemma toal atz kürs full immersion atz inglés un atz taütsch boda bartn innhaltn drai bochan auz pan summar 2025. Di studjènt boda mang nemmen toal mochan hãm zbisnen in 14 un in 20 djar nonet kompìrt atz 31 von lentz 2025. Dar progråmm iz in gântzan augelekk vodar provintziàl Vüarom un hatt 'z zil zo pezzra di zung kompetentzan von studjènt un darzuar hãm mearare zung zertifikatziongen atz inglés un atz taütsch. Ma bart gian in lentar vodar Européan Uniong odar in Gepuntate Khunegraich.

Disa initiazitíf bart innvången schiar 600 studjènt, un khint gemacht drinn in européan sotziàl Progråmm Font 2021-2027 vodar autonome Provìntz vo Tria. Dar Progråmm iz geschützt vodar Européan Uniong – européan Sotzial font plus (vor in 40%) von Stato (vor in 42%) un vodar autonome Provìntz vo Tria (vor in 18%).

Zo nemma toal dar studjånt mocht inngem in vorsch nå dar informatege protzedùr augelekk vodar provintziàl Vüarom; di vorsch mang khemmen geschikht lai in didjitàl, gianante aftz soìn portàl nützante in SPID.

Di Vüarom bart nidarleng in roatordnung von vorsch boda soìn khent ågenump vor in “Progråmm vor di studjènt zo giana in auzlånt 2025” inngetoalt nå dar fremmege zung boda iz khent zornìrt un nå in djar von toalnemmar (Junior odar Eltare Djunge).

Da gântz organizatziong iz augehaltet vodar provintziàl Vüarom boda, vor ditza, machtar helvan vodar struktùr Ad Personam. Di Vüarom bart asó zaln dise sachandarn: viazo zo giana un zo kheara bidrùmm vor 'z auzlånt; in progråmm abezolirna (saiz in aula saiz auzzalt – gian z'sega naüge sachandarn un åndre didaktik ativité); z'èzza un z'slava in famildja odar in kolèdjo vor da gântz zait boma vort sait; soìn draugeschauget saiz in gianan, saiz in khearan bidrùmm von Beleschlånt in auzlånt; in tutor boda nåsteat in studjènt in auzlånt; di sicharom azma hettat zo tüanen bea odar azma hettat zo schedega epparummaz åndar vor da gântz zait boma vort sait; mang abegem in esåm zo haba in linguistik zertifikàt.

In toalnemmar khinten gevorst z'zala an obligatoresche toal, daz mindarste 400,00 euro sin atz, daz mearaste, 1.400,00 euro, nå dar ICEF 2024 boda azukhint von sèll boma hatt inngètt zo haba gebunnt vorz djar 2023 zo maga hãm hilfàn vor bazma zalt vor in rècht zo studjara un vor di khindar vorz schualdjar 2024/2025, tariffan guat von 1/1/2025 vort un darzuar a kautziong vo 400,00 boda bart khemmen gètt bidrùmm balma bart hãm gemacht verte, allz ditza dòpo zo soìnase gesichart ke di protzedur khött in di meldung saibe djüst. Di sutdjènt bartn mochan abegem an pruf innzomaga tretn, un an lestn an pruf z'sega bida dar studjånt mage abegem in esåm vor da linguistik zertifikatziong.

In gântzan izta khent untargelekk vor daz sèll boda khint vürgelekk in disa meldung 1.800.000,00 (vo disan euro 720.000,00 soin untargelekk vodar EU - FSE+, dar 40% vo allz bazta khint gezert).

Zo haba informatzionen makma vorsan dar:

Teritoriàl Struktùr Ad Personam

bege Pranzelores, 69 – 38121 Tria

von menta aftn vrait vo di 8.30 – 17.30

Grümma nummar: 800 163 870 – fax 0461 390707

e-mail: mobilita.fse@provincia.tn.it

web sait:

<https://www.provincia.tn.it/Servizi/Percorsi-full-immersion-in-inglese-e-tedesco-in-Europa-estate-2025>

Übarsetzt von Schaltarle vor di zung von Toalkamou vodar Zimbar Hoachebene

(cdt)